

東湖詩鈔

乾坤

柳田文庫

文庫11

A1244

10

15

20

25

慶應四戊辰夏新刻

東湖詩鈔

葎屋藏梓

文庫 11
A 1244

松田
藏書

序

大
地
閣

柳田泉文庫

東湖孫曰先生忠謹才學其名
震耀海內如顏語特以結餘耳
然愛及屋烏又之情也况於其詩
卷字江戶孫仁以弄先生亦如兄
弟而中孤集香與先生第三子

東湖詩鈔序

子行君共知苦數年矣今將鐫
此卷亦其情之所不可已也葉香
知余与先生有_上高囑以序及校
訂因憶余嘗_身仁_心討先生
礫川邸舍酒_官與激論_事不
合縱橫上下殆_至相罵而止後
數日余意未得平將作一書以
極論_前事而先生欣然_賣酒_拉
二三子身見過余玉池_啟序余_意
而_近之_頓服其_洪量而_不能_復
一語及_身子但謝_前日_大醉_身
事在甲寅之_山歲距_上十_又四_年

矣恍如夢寐今對此卷不覺掩
淚嗚乎集香之囑余安得辭
之云云應丁卯之秋於鴨沂之湖山
行樓 小聖長息序



東湖藤田君墓碑

安政二年十月二日我水戶側用人兼學校奉行
藤田君歿於江戶藩邸 兩公悼惜命歸葬鄉里
明年 景山公親題其碑曰表誠命臣延光為
延光謹案藤田氏之先蓋出自參議小野篁考諱
一正始仕我 文公終於彰考館總裁妣丹氏君
諱彪字斌鄉稱虎之助後更誠之進号東湖君幼
而奇穎稍長嗜武藝不甚喜讀書年踰弱冠慨然
自奮曰絳灌無文隨陸無武古人所笑大丈夫奈

何不學遂刻苦讀書尋喪父襲二百石補進物番
爲彰考館編脩攝總裁事論館中五事議論剴切
文辭雄健始知其專力家學 哀公病篤繼嗣未
定當路頗有異論物議沸騰一國寒心君憤激將
赴江戶筮之不吉投策曰臣子赴難何問吉凶遂
與諸同志馳至江戶謁支藩守山侯論繼嗣事言
甚切至侯許諾數日 公薨有遺命傳國 景山
公君聞之卽時上塗還水戶 景山公既襲封知
君有異材擢爲郡奉行三遷至側用人班馬廻番
頭 公方綱羅一國人才布列內外皆号爲稱職
而至於通古今達事体則君蓋爲之冠故 公眷
遇尤渥入則參預机密出則應對四方議論風生
事無畱滯 公每出新令君一秉筆頃刻而成辭
理明暢他人精思不能及當時謀議之臣不爲乏
人而至於氣魄之大智慮之明遇盤錯而不挫處
紛擾而不亂則不得不推君爲全才凡 公之施
爲光明正大一新天下之耳目者君尤有力焉君
容貌魁岸眼光射人人一見服其聰明而愛才容

衆人有寸長推獎不措雖在劇職常延異能之士
酣暢■談盡其忻歡時或詞賦唱酬詞采煥發其
餘事亦能使人屈服當此時海內之士論人才者
必屈指於君而聲名震天下矣弘化元年幕府俄
命公傳國世子 南山公君亦獲罪屏居小梅
別墅是後再攻家學綜覽群書數歲聽還鄉里尋
亦得與親故往來遠近之教者日填門嘉永六年
公受命 幕府議防海之政乃召君至江戶復
原職天下想望風裁而君夙憤夷狄之猖獗計畫
甚熟然所持論或與時牴牾君慨然賦詩有寶刀
難淅洋夷血却憶常陽舊草廬之句讀者扼腕而
其報國之誠則確然不撓 南山公親書誠之進
三字賜之以爲通稱云 公又以君才兼文武命
總督學政無幾江戶地大震君以是日沒享年五
十葬於水戶城西常盤原先人墓側所著有回天
詩史常陸帶館記述義君娶山口氏子四人長小
野太郎天次建嗣家次任次信女五人長適原田
成德餘尚幼君先人講究實學涵畜淵邃未及施

而歿君天資豪爽有大志一旦遭遇以明大義
正人心爲己任以敬神奮武爲政教根本蓋無不
本於家學者故施之事業猶取諸筐筥而慷慨激
烈每遇大事以死自誓無所畏避亦皆遵遺訓也
嘉永中夷船屢來邊境繹騷

天子深憂之而嘉景山公留意邊備繇此君名
亦嘗得上聞計至京師

天子震悼有失人之歎云聞者感動蓋爲天下惜
焉銘曰

名家之後實生魁雄謂大果無意耶何以能遭

吾公謂天果有意耶何爲不畢其功天固不可知
也人孰不知其誠忠思精凜凜震動

宸聰孰謂臣子之誠不達九重乎

東湖詩鈔上

水戶 藤田彪彬鄉著

甲辰

謫居答豐田天功寄詩見陪次韻

頑鈍無先見。明愚忠欲効。奉公誠會中。偉略渾無用。匣裏寶刀空。自鳴埋海愁。心何日。竭回天事業。曷時成。憑君寄語同盟友。萬死猶存魏闕情。

其二

東坡詩集 一
由來上帝眼分明。誰使狂瀾沒血誠。殘月婆娑半
庭暗。金風肅殺萬林鳴。未聞一箭城狐殪。只見三
人市帛成。還喜親朋交態厚。遙頒詩酒慰幽情。

謫居偶作

排佛還嘲身似佛。寢無妻妾食無魚。平生執念依
然在。屏跡猶繙韓愈書。

夜坐有感

金風颯颯釀群陰。玉露溥溥凋萬林。獨坐三更天
地靜。一輪明月照丹心。

言志

俯思鄉國仰思君。日夜憂愁南北分。惟喜閑來
耽典籍。錦衣玉食本浮雲。

十三夜

屏跡連旬磔水頭。悲風滿目動高秋。秋闌桂樹花
方老。霜冷草蟲聲更幽。雙袖空濺憂國淚。一樽何
問繼華遊。中宵強向天涯坐。無限清光照旅愁。
余以五月六日。奪職謫居。九月十六日。有命
收余田祿及茅宅。給以月俸。賜宅於武隈。

何唯落職負君公。今日無田祭酒翁。世態變遷
人莫怪。東湖顛倒作湖東。梅巷鶴廬仙湖當其東。所以有余号而武隈在湖之東云。

小至書懷

微陽未足決群陰。霜雪難消日易沈。哀鴈數聲添
旅恨。寒梅一點見天心。離騷何用楚臣賦。抱膝時
爲梁甫吟。歲歲豈無冬至節。今年感慨爲誰深。

贈豐田天功

金滕藏匱燃豆其北。關上書身殆危。楚國未逢天
定日。瀟陵方屬數奇。時倘非憂憤。肯間積安。得文
章宇內。垂努力。加餐須自愛。龍門徂矣。舍君誰

有客贈一酒瓢者愛翫不置賦瓢兮歌

瓢兮瓢兮我愛汝。汝嘗熟知顏子賢。陋巷追隨不
改樂。盍以美祿延天年。天壽有命非汝力。聲名猶
附驥尾傳。瓢兮瓢乎我愛汝。汝又嘗愛豐公憐。金
裝燦爛從軍日。一勝加一百且千。千瓢所向無就
敵。叱咤忽握四海權。瓢兮瓢兮我愛汝。悠悠時運
幾變遷。亞聖至樂誰復踵。太閤雄圖何忽焉。不用

獨醒吟澤畔。只合長醉伴。謫仙飄兮飄兮。我愛汝。汝能愛酒。不愧天。消息盈虛與時行。有酒危坐無。酒顛汝危坐時。我未醉。汝欲顛時。我欲眠。一醉一眠。吾事足。世上窮通何處邊。

題菊池容齋龍圖

蛟龍得雲雨。非復池中物。如何風塵寰。徒使英雄屈。

步韻酬友人見寄

奔走風塵十五年。跡踪居處幾變遷。失脚忽墮陷阱裏。何問酒家門外涎。猶澆薄醪培氣力。且將秃筆耕心田。經濟敢望管葛業。述作欲執班馬鞭。尚友偶及文宋瑞。土室三年混腥羶。一篇長歌浩然氣。許國丹心金石堅。孝子即忠忠臣孝。誰言忠孝不兩全。謫居久癡湯與沐。枕衾坐視蟻虱生。復知災孽非天作。讒譖多自中釀成。嘗憂戎狄日猖獗。何圖廟堂養獷獬。一念至此腸欲絕。不知何物破愁城。忽有鄉書傳消息。詩篇宛然見交情。交情既厚。言亦文。不負妙齡馳聲名。戒君勿慕當世利。期

東漢詩金一
君須傳千載。馨大道湮晦。非一日志士發憤。要闡
明。大廈朽腐漸。亦久。良匠用心在經營。泄泄之徒
何足云。人壽幾何。俟河清。勸君及時須勉勵。大道
未滅。厦未傾。嗟予頑鈍。不知機。阨窮遺佚。與死濱。
萬言策略百無用。七尺形軀一棄人。天錫此閑。豈
偶然。擬將文辭託悠久。簞瓢屢空渴。又飢勢似孤
城。獨苦守朝夕。追隨唯丹心。風檐展書對蒼昊。廣
居正位。豈他求。孟軻嘗獨行其道。富貴從來不可
求。孔聖亦曰從所好。請看咫尺芸窗外。營營蒼蠅
不可掃。

十五夜無月十六十七又陰十八初晴書感
憶昨從之駕在鄉年。赫湖幾回泛樓船。樓船動處
棹歌起。小船來時樽酒傳。醉吟不背三秋賞。陪遊
多是一時賢。玉笋掠去溪松韻。金管吹覺洞龍眠。
回首壯遊渾如夢。孤枕淒涼墨水邊。杜門荏苒春
又秋。清賞曾期三五天。寧知浮雲妬我興。不許蟾
影入詩篇。浮雲散時月已虧。幽光半夜使人憐。月
光盈虛有常數。浮雲合散亦自然。天意從來既如

此人事何由得萬全。瓢樽猶足慰幽獨。蟲聲亦堪當管絃。夜闌風冷月逾白。爽氣逼人欲仙。却是化工妙手段。付與玉兔七分圓。

將就枕不勝清絕。又得小詩。

冷露沾蟲蟲更悲。片雲磨月月逾奇。秋光夜色無人管。一段清愁侵做帷。

乙巳

謫居新年

又見乾坤日月新。書窻堆積舊年塵。零丁猶作名都客。閑散還迎強仕春。滕不屈人非爲貴。樽常蓄酒未全貧。何時歸去東湖上。起捧壽觴祝老親。

乙巳仲春二十日。子長楊君見訪。分林花掃更盡句。得掃字。

江城二月春處處。風光好。微雨洗林花。輕煙蒸野草。玉樓幾人醉。金閨幾人惱。別有辟世客。默坐傷懷抱。志業憐齟齬。形骸任枯槁。偶有同人來。妙理其探討。濁酒銷隱憂。新詩發幽藻。詩成酒又醅。宵中頓浩浩。既知不尤人。那須怨彼昊。不羨郭汾陽。

東坡詩集
中書廿四考。何如日日閑。一樽相對倒。昨日迎青
春。青春看將老。請看落來花。更有暴風掃。

將徙小梅過吾妻橋畔有感

青年此地嘗遨遊。花下銀鞍月下舟。白首孤囚何
所見。滿川風雨伴羈愁。

次韵家生梅邱郎事四首

卑濕不嫌官舍陋。南窗寄傲亦吾廬。多情寂愛春
林鳥。閑蹴飛花落謫居。

既將身跡付沈埋。惆悵何須吟打乖。翠竹白沙風
月界。絕無塵事到曾懷。

賈生憂憤治安策。歐子孤忠朋黨論。歎息賈歐千
載後。策論依舊屬空言。

幽囚不許賦歸歟。衣帶日寬髻日疎。何物尤爲一
身累。滿腔盡是古人書。

三月十日家生賞櫻於長隄未食頃而遽歸

蓋畏雨也詩以戲之

近有一大男來自肥前
家生適觀之於途云

長隄花如雪。爛熳十里賒。驢人亦乘興。逍遙水之
涯。忽驚密雲合。又意落日斜。徘徊畏滂沱。歸來先

昏鴉只道逢大男。環視人如麻。腰帶十圍許，骨節
可專車。大男雖奇矣，豈足比春葩。別有細腰物，雲
髻亂鬢髮。盍相提攜去，飽看雨中花。

三月十四日卽事

自笑幽居枕墨江。閉門唯聽水潺潺。陶陶清興酒
三盞。落落雄心劍一雙。燕雀何知勝，與廣龍鳳誰。
訪葛兼龐多情獨有，春天月夜夜婆娑。到小窻。

自次前韻

落日銜山煙掠江。茶甌時作水聲涼。天涯歸去鴈
無數。屋角飛來燕幾雙。晚食既當梁肉美，廣居何
羨厦堂。龐都城十丈紅塵暗，不到江村三尺窻。

三月十八日早起將盥適微風颯然吹桃花
一片墜於庭二首

嗟汝何嫌歌舞筵。飄然獨伴謫居邊。桃花有意應
微咲，失脚漫煩吾子憐。

春滿江村客若麻。孤囚自分負繁華。千紅萬紫東
風面，識得幽庭一片葩。

春晚二首

東清言金
剗。緜。塵。常。滿。博。爐。灰。日。深。功。名。既。實。實。歲。月。獨。駸。
駸。爲。客。知。炊。玉。離。羣。違。斷。金。何。堪。歸。鴈。影。一。一。動。
鄉。心。

其二

風。靜。花。猶。落。日。長。愁。更。深。欲。留。青。帝。駕。獨。奈。白。駒。
駸。鳥。惜。櫻。邊。雪。蜂。貪。菜。畝。金。殘。春。君。勿。惜。不。息。是。
天。心。

新徙小梅村謫居三首

蠖。屈。豈。求。伸。龍。蟄。僅。存。身。故。園。筑。山。北。謫。居。墨。水。
濱。門。戶。嚴。鎖。鑰。吏。卒。護。吾。隣。雖。不。遭。縲。紲。奚。異。獄。
中。人。丹。心。猶。隨。我。未。必。歎。苦。辛。黃。卷。亦。伴。我。好。與。
古。賢。親。悠。哉。小。窻。下。睥。睨。三。千。春。

其二

階。前。一。步。地。檐。端。數。尺。天。天。地。雖。狹。小。形。骸。尚。安。
全。墨。水。春。正。好。遊。人。若。雲。連。酣。歌。和。金。管。舞。袖。翻。
樓。船。今。日。白。頭。翁。昨。日。少。年。郎。但。趁。繁。華。樂。無。奈。
歲。月。遷。不。似。幽。齋。裡。曲。肱。穩。穩。眠。

其三

賈生謫長沙才名動千古。管公竄紫海。英光耀天宇。嗟我百無能。學術極迂腐。而喜踏危機。罪戾真自取。江村春漸滿。澹煙遶柴戶。雖無佳客來。聊與水手伍。吁嗟復何言。賢愚一丘土。

次韻揚子長詩書感

并引

余在礫川謫居。與揚子長分字賦詩。時子長苦吟不成篇。而歸會翌日有命移居於墨水之濱。一切禁他人來訪。獨以江生者與余有姻好。僅得通問。後數日子長裁前日詩付江生見寄。

因次其韵情見於詩

春光何熹微。春愁何寂寞。盡日無客來。門外可羅雀。僮僕解讀書。伴我處窮約。時持一瓢去。賒酒使我酌。悠哉醉鄉遊。不換三公爵。身生任沈淪。世事付笑噱。富貴不足恃。曲肱真有樂。始悔四十年。栖栖塵土託。譬若耕瘠田。水旱動作虐。譬若溯急流。舟楫常易却。嗟吾倦世途。要將老村落。人心變炎涼。孰能辨美惡。墨江月淡淡。紅桃花灼灼。嘯月且吟花。曾無禮法縛。坐逐萬物情。何必羨白澤。小大

有往來。陰陽任復剝。誰知醉昏昏。勿嫌酒薄薄。日月忽如流。光陰不駐脚。請看今夕事。明朝已作昨。

偶成

半夜踈鐘淺艸寺。一犁膏雨小梅村。春愁寂莫無人問。閑翦孤燈伴旅魂。

謫居值三日。門外遊人如織歡。呼咲聲滿長隄。余渴几寫字無聊殊甚。適力平自外歸。攜酒與魚。余之喜於是可知也。直割魚爲鱠。撥火温酒。酒酣耳熱。揮毫泄悶。亦一時之痛快也。

墨水距舍十數步。長隄逶迤橫其際。青春况又上巳辰。士女絡繹競華麗。或跨白馬揮金鞭。或擁紅妝動吟袂。隔牆誰憐幽人居。柴門不開戶常閉。閉戶先生成何事。芸窗日夕涉經藝。黃塵空誤四十年。青史欲究三千載。流離困厄氣尚雄。所以畢竟遭罪戾。雖然先生亦有情。每逢佳節獨垂涕。人嫉先生非嫉人。世棄先生豈棄世。僮僕獨攜瓢與盤。金龍山畔酒有贄。先生熟視喜欲狂。直向爐邊逞。

吞噬酒酣興來百憂銷不用水邊故菝襖維昔落
 魄在中郎光風霽月本同契白雪堆中訪王子杜
 若洲頭憶伉儷舟子無情指白鷗墨水日暮不耐
 濟當年遺蹤今猶存曠世風流誰復繼吁嗟中郎
 雖失時未聞羈鞍東洲滯不似先生閉門戶三尺
 蓬蒿歎匏繫人生浮沈何足言大運從來有隆替
 君不見西東長鯨捲海波睥睨殆作垂涎勢去年六月
蘭夷使者乘單艦來於長碕頭者又聞夷船一隻出沒房總之間又不見皇天丁
 寧垂網戒日暮南方氣似往年突卯之春白氣見於西南今春復見
長數丈丹心誰懷杞人憂白屋安知廟堂計好吊千
 古忠義魂欲為扶桑培根柢中

三月四日即事

半窻斜日影徘徊數點昏雅歸去來却笑閑人亦
 多事讀書方倦又銜盃

偶成

數尺幽齋遠市朝栖遲何必伴漁樵丹心未與朱
 顏變白日暗隨青帝銷山郭水邨春寂寞風窻雨
 室夜蕭條自疑家是貧耶富飽喫菜根醉酒瓢

三月二十一日書感我春蒐多用此日老公之在藩

金甲聯翩旭日紅。千軍肅出自城東。並驅從獸莽
蒼外。環坐論功帷幕中。往事有時入幽夢。孤囚無
路近明公。殘春高卧閑窗下。只見落花翻晚風。

夢醒

黜陟近來都不知。幽居黜處殆周基。枕頭空記鄉
邊夢。夜半苦吟愁裏詩。老鼠侮人燈滅後。新蟾窺
戶雨晴時。呼僮咲問果何事。疇昔殘樽可幾卮。

記夢

曩時處世忙。夢短又善忘。身閑夢亦長。時時到家
鄉。愉色見萱堂。兒童戲其傍。三徑雖就荒。瘦梅尚
傍墻。郊外追芬芳。吟筇時徜徉。野花暗飛香。春禽
巧弄簧。坐對綠竹篔簹。笑傾白玉觴。萬象看。不常若
有。又若亡。飄飄寒衣裳。御風如鳥翔。下視水渺茫。
上有山鬱蒼。仰之神氣王。欲往叩天閭。山路險羊
腸。危巖吾前當。失脚身忽僵。倒墜自高岡。夢斷空
悲傷。依然三尺牀。兩手壓膏肓。孤燈炯有光。嗟吾
頑而狂。奔走名利場。素志毫不償。艱難獨備嘗。寒

厨乏糟糠。夢魂猶激昂。援筆賦詩章。語言亦荒唐。
癡人勿稱揚。恐增謫居殃。

聞欣賞先生遽致仕

雄藩秦斗望。絕代經綸妙。一朝挂其冠。世事付長嘯。
群小拍手慶。衆賢竊相吊。疾殆人膏肓。扁倉不易療。
美人垂玉簾。神龍潛蝸蟻。不如歸去來。况有煙景召。
坐聞春鳥吟。閑看池蛙跳。微風過長松。清韻好同調。
孤月侵蜜雲。幽光時相照。想像欣賞齋。竒文幾成料。
愧吾獨何人。頑鈍真不肖。排佛憐昌黎。攘夷憶嫫媯。
志大而材疎。舉世譏且笑。幽居墨水濱。自甘塵紛少。
何時還故山。與君縱臨眺。三斗汝陽酒。一竿子陵釣。
縱令老江湖。豈終忘廊廟。苟發太陽光。奚患螢火燭。
欲培扶桑根。不必假津要。緩詩雖陋乎。聊結他日約。

三月盡示冢生

既屈蠅廬絕。俗塵人間歲月爲誰頻。直須唱和詩千首。
墨水猶餘一日春。

同詠方平

和田生

東坡詩集
孤樽久倒。榼生塵空。見東君促別。頻盞喚青州。一
從事教。吾沈醉。餞殘春。

三月盡對酒。以樹頭蜂抱花鬚。落池面魚吹柳絮。行句爲韻。賦雜詩排悶。蓋數刻之間。且

飲且賦。或醉或醒。醒則多枯槁衰颯之音。醉則生邁往凌雲之氣。亦可供一咲也。原十四存八

有足不出門。何用杖與屨。有日不接人。猶向風物寓。風物不我俱。牡丹春已暮。飛花委幽蹊。遊絲遶新樹。啾啾百轉鶯。濯濯雙行鷺。悠哉萬物情。適我閑中趣。舉酒餞東君。君暫爲我駐。江頭今相別。明年何處遇。

香雪謝庭樹。新霜上我頭。庭樹有再榮。我頭不可髩。青年匆匆去。墨水滾滾流。乾坤真旅寓。身生一蜉蝣。須傾三盃酒。消磨萬古愁。興酣氣激昂。直欲衝斗牛。詩成筆縱橫。自驚走螭蚪。借問朱門裏。亦
有此樂不。

踰蹊風前蝶。繽紛樹間蜂。或吸露華潔。或餐花氣濃。不似窮措大。幽居背吟筇。身纏百結褐。口絕兼

味供男兒要有立何問飲與禳無材堪射虎有跡
似卧龍數奇尚解飲便合醉鄉封青春今日盡坐
見夕陽春

結髮志功名胡塵期一掃壯心空蹭蹬失脚幾回
倒四時如轉輪青春看又老野馬映權籬光風襯
塘艸斯夕杜門人兀坐對蒼昊客中食無魚雨後
寢多蚕小詩遺幽悶斗酒寬懷抱群蛙似嘲吾得
意噪行潦

一齒搖欲隨雙眼未生花雖苦决乾肉猶可讀五
車芸窻苟努力豈無分寸加那知貧如洗典藉不
易賒欲就親朋借亦畏俗論譁北總長為客東湖
既移家本月十二日官吏收東湖謝交口久默送
春手空又無端雙行淚不帝惜物華

謫居何所得養成數寸鬚肯比雲長美猶堪誇寒
儒俗稱疎鬚落々在口邊者曰貧乏鬚朝夕撫且擲自笑處世迂米
鹽屢告乏膏肉不入厨猶傾墨水春淺草美酒時時使
僮沽朝衣既典盡四壁堆酒壺豫患歸家日行李
一物無元是敗軍將于思誇妻孥

淺艸墨水春。獨有東湖酌。豈無酌酒人。莫我愛酒。
若我有一片氣。軒昂而磊落。九重巒。宸闈萬里。
涉朝漠。非醉又非狂。孰能鑿斯瘼。痛飲正淋漓。心
曾始。開拓身屈數尺。廬坐跨揚州。鶴宜乎李謫仙。
生死屬杯杓。

開尊閑覓句。喚水洗鳳池。陶泓新出浴。陳玄亦淋
漓。耳熱微酣酒。首傾未定詩。詩成人亦醉。醉墨何
參差。古寺疎鐘起。小窻斜陽移。窻窻江邨暮。四顧
使我悲。三春無限恨。須付微醉時。俄爾投彩筆。又
傾白玉卮。

聞後藤甚五獄中計

平生未識面。早已見其心。忽聞獄中計。只有淚淋
淋。

八月十二夜。月色甚奇。分韻與家生賦詩。得
明字。

天色碧琉璃。無復片雲橫。但看飛鏡影。皎皎遍江
城。蠅頭字可讀。不假離婁明。滿襟皆風露。何羨伯
夷清。遽命一太白。頻向銀漢傾。興來天地狹。飄然

東湖詩鈔上
四體輕幽囚未可侮身在白玉京

同得陰字

九秋風物易傷心况復離群違斷金還羨墨江一
輪月清光應照筑山陰

八月十八夜夢攻諸厄利亞

絕海連檣十萬兵雄心落落壓胡城三更夢覺幽
窗下唯有秋聲似雨聲

東湖詩鈔上

東湖詩鈔下

水戶 藤田彪彬卿著

乙巳重陽

塵世何唯一笑難重陽風物盡悲酸幽囚既負黃
花好明鏡空驚白髮寒落日影中孤鴈叫暮鐘聲
裡九秋闌不知幾處高臺上却作良辰美景看

謫居值重陽次韻冢生

客袍秋冷秋蘆鄉菜色何堪歲又荒佳節登臨非

東坡詩集
我事猶銜琥珀滿盃光。

九月十三夜書感

七袂身生強半過。三秋感慨十分多。良辰夜色爲誰
誰。霽孤客鬢邊空自皤。心事拋來唯麴蘖。世途看
取盡風波。何時歸去常陽宅。月下飛觴發浩歌。

季秋望弄月得城字

東山喜見玉蟾生。雲霽秋天萬里明。羸氏不知夜
光趣漫將一壁擬連城。

黃塵無地容狂生。寞寞寒邨對月明。何術長江化

美酒淋漓百榼澆愁城。

悲風哀鴈喚愁生。遷謫再看秋月明。倘有廣寒知
客恨。歸心亦照水陽城。

至日

驚破匆匆歲月催。幽囚再見一陽來。門墻鎖鑰雖
嚴矣。詩酒優游亦樂哉。黛色鬱蒼雪中柏。奇香馥
郁澗邊梅。腐儒不解生生意。漫把虛無說地雷。

魚膾

魚膾適吾口。匹似天下無得魚。便斫膾何必張翰。

鱸聯翩盛磁盃光彩映寒厨不忍徒咀嚼先傾白
玉壺枯腸澆清液短箸拾明珠一盃又一盃宿病
頓欲蘇願彼富貴子嗜好亦相異終朝煮鼎肉和
以厚酒醺調理極甘美施施誇妻孥彼哉爛熟物
不屬高陽徒

和文天祥正氣歌有序

彪年八九歲受文天祥正氣歌於先君子先君
子每誦之引盃擊節慷慨奮發談說正氣之所
以塞乎天地必推本之於忠孝大節然後止距
今三十餘年凡古詩雜文少時所誦十忘七八
至於天祥歌則歷歷暗記不遺一字而先君子
言容宛然猶在心目彪性善病去歲從公駕
而來也方患感冒力疾上途及公獲罪彪亦
就禁錮風窻雨室濕邪交侵菲衣疏食飢寒並
至其辛楚艱苦常人所難堪而宿病頓愈體氣
頗佳睥睨宇宙叨與古人相期者蓋資於天祥
歌爲多夫天祥值宗社之傾覆身囚於胡虜實
臣子之至變若彪被幽則殊一時之奇禍其事

東洋言金
與跡皆大不同。然古人有云：死生亦大矣。今彪之困阨既已如此，而人猶或不以謙意，曰：何不遂賜死？曰：何不早日自裁？彪之所以出入於死生間，亦復若此。而頑乎不變，自信愈厚者，未嘗不與天祥同也。嗚乎！彪之生死固不足道，至於公之進退，則正氣之屈伸。神州之污隆繫焉。豈可勝慨哉！天祥曰：浩然者，天地之正氣也。彪廣其說曰：正氣者，道義之所積，忠孝之所發。然彼所謂正氣者，秦漢唐宋變易不一。我所謂正氣者，亘萬世而不變者也。極天地而不易者也。因誦天祥歌，又和之以自歌。歌曰：

天地正大氣粹然，鍾神州秀爲不二嶽巍巍聳千秋。
注爲大瀛水洋洋環八洲，發爲萬朵櫻棠芳難與儔。
凝爲百鍊鐵銳利可割鑿，蓋臣皆熊羆武夫盡好仇。
神州孰君臨萬古仰，天皇皇風洽六合明德侔。
大陽不世無污隆，正氣時放光乃參大連議侃侃排瞿曇。
乃助明主斷燄燄焚伽藍，中卽嘗用之宗社磐石安。
清丸嘗用之妖僧。

肝膽寒。忽揮龍口劍。虜使頭足分。忽起西海颺。怒
 濤殲胡氛。志賀月明夜。陽為鳳輦巡。芳野戰酣
 日。又代帝子屯。或投鎌倉窟。憂憤正愼愼。或伴
 櫻井驛。遺訓何殷勤。或守伏見城。一身當萬軍。或
 殉天目山。幽囚不忘君。承平二百歲。斯氣常獲伸。
 然當其鬱屈。生四十七人。乃知人雖亡。英靈未嘗
 泯。長在天地間。凜然敘彝倫。孰能扶持之。卓立東
 海濱。忠誠尊皇室。孝敬事天神。修文兼奮武。誓
 欲清胡塵。一朝天步艱。邦君身先淪。頑鈍不知
 機。罪戾及孤臣。孤臣困葛藟。君寃向誰陳。孤子
 遠墳墓。何以報先親。在舟二周星。獨有斯氣隨。嗟
 予雖萬死。豈忍與汝離。屈伸任天地。生死又何疑。
 生當雪君寃。復見張四維。死為忠義鬼。極天護
 皇基。

拜鹿島祠

常陸之東。武雷神威靈赫赫。幾千春。維葦鴻荒草
 昧日。天祖御天。天地新光華照徹。六合外。螢
 火蠅聲。猶相因。斯神方奉勦討。詔勇武當時稱

絕倫意氣慷慨辭。天闕撻伐一舉掃妖氛。名高
 皇州開國勲任重。天孫佐命臣不知。禋祀在何
 日。巍然屹立鹿鳴濱。山占靈地鎮東海。官懸明鏡
 對北辰。須知祖宗典神天。孝敬何敢殄祀禋。那
 圖一朝西風腥。蕃舩忽載胡鬼臻。祭政岐別天人
 隔。滌祠妖教往往綦。悠悠世態雖萬變。明神正氣
 豈遂淪餘靈。時時出人傑。皇風或自常陸振。前
 有中郎後梅里。英光共稱絕代珍。時運不免泰
 又否。功業從來有屈伸。誰知千古無窮感。如今還
 在布衣人。鹿島宮廟正北向。又相傳大職冠藤公
 生於此地。其說見於大鏡。不啻土人傳
 說也。故詩
 中云爾。
 此余已丑歲拜鹿島祠作也。時維暮春與杉復
 堂遵海詣祠。慨然想像明神之威稜。復堂立賦
 絕句。余苦吟不成。至逆旅始得此篇。遂買舟抵
 潮來。篁村茶村兄弟在焉。喜而延於堂。把盃罄
 歡。篁村有才辨。議論如湧。茶村沈默。言則中肯。
 祭將別。茶村從隨。二人大喜。相伴解纜。詣香取
 息。栖欲直抵銚子港。為風所阻。而止。時復堂未

東洋言金
盈壯。余方二十有四。意氣俱盛。跋涉山壑。覽觀湖海。痛飲浩歌。睥睨宇內。亦一時壯遊也。今茲夏夜。余偶夢詣鹿島。愉快特甚。少焉忽覺。令人恍然。因憶舊遊。殆將二十年。篁邨墓木已拱。復堂亦入鬼錄。唯余與茶村猶在人間。而茶村方繫獄。余久囚於他鄉。嗚乎。好生惡死。人之常情。而人事至此。生者未必哀。死者蓋亦不甚羨生者也。感慨之餘。欲誦此詩。既忘數句。反覆沈思。乃得全篇。顧語澁意淺。不足以傳世。但讀之。覺當時氣岸。既有足取今日之禍者。乃錄一通。且書其後。以泄感云。

病中書懷呈松代侯執事 有序

數年前。彪嘗過平山銳。二談偶及當世諸侯。銳二曰。承平日久。况若富貴之人。所謂生於深宮之中。長於婦人之手者。往往皆是以僕所聞。獨松代侯好文尚武。愛賢下士。一世之賢君也。後二三年。訪川路彌吉。彌吉謂彪曰。聞子之君。勵精圖治。國事一新。不知所交何如人。彪未對。彌

吉日。盍與松代城主交。以某所視。三百諸侯。未
有松代之賢過者。以子之君之明。交於松代之
賢。其切磋之益。想不亦多乎。彪於是始以銳二
之說。爲不妄心竊想。望執事之風采矣。亡幾國
老山野邊義觀。獲辱交於執事。彪因以聞執事
言行之大畧。愈益欽慕。日夜庶幾。不負彌吉之
言也。天不恡良緣。今茲十月之朔。寡君始與執
事晤言於柳管。既而執事來敝邸。又與寡君談
論於一室。彪不敏。何幸叨侍末席。不啻拜雄偉
之高姿。併聽跌宕之卓論。年來志願一朝忽伸。
彪之喜於是可知也。頃者奉約上堂。執事憐彪
朴野。假以殊禮。不備邊幅。以彪愚戇。寧敢不感
佩。爾來欲拜趨謝。辱更吐露肝膽。以盡生平之
懷。適患麻疹。不可日夕上堂。迺賦七言古風一
篇。聊摠鄙懷。敢呈左右。然彪之立志。常謂寧爲
武愚。不流於文弱。以故詞章極拙。固不足以供
大方之觀。執事苟捨其文。而取其情。則幸甚。
承平二百有餘年。纖塵不動。東海天共仰。祖宗

德澤遠也知。廟堂威靈宣。君不見公侯茅宅長
夜宴。劍菱瀧水斗十千。蠻夷奇品坐間列。山海珍
羞厨下連。夜深銀燭光赫灼。興闌舞衣影踟躕。又
不見富貴公子青年樂。轎舉追隨紫陌煙。紅粉青
蛾換驥馬。鯨鬚竹匕便龍泉。開花之長明月夕。紅
氍毹。照山川。唯道明時無憂患。歌吹海中歲月
遷。天下未嘗無英雄。傑間氣。還泄信陽邊。旣聞恭儉
能治國。又見折節下仁賢。維昔甲越爭雄地。如今
城壘金湯堅。地利入和兵亦足。英雄遺風豈偶然。
襲封臨民十餘歲。定知文教武備全。忠誠肯忘奉
幕府。况復派脈有所傳。歲時謁見不敢懈。邸占
南郭遊池前。回首一世無佳伴。推窗咲對芙蓉顛。
芙蓉與君似。競秀映日帶雪呈。嬋娟嗟我常陸雖
褊小。近來國事亦少悛。勵精圖治旣七歲。日夕惕
若又乾乾。常望切磋交賢豪。邂逅相遇良因緣。小
室晤言夜繼日。詠歌唱和情好專。小臣歡喜不自
禁。宿痾一朝頓欲痊。竊祝干城藩翰任。遮莫舉世
醉管絃。聞說君新鑄十二支砲。連發何不驚破長

夜眠

右呈松代侯詩。天保丙申之冬所作。余力疾把筆呈之於侯。侯使其侍鑿澁谷秀軒來問疾。且以信濃所產蓑衣見惠。副以和歌一章。侯之待人其真率而渾厚者如此。乙巳秋日將晒衣物。獲斯詩於反故紙中。余此行以扈從公駕不齎一冊子。忽被禁錮。恒苦無書。而斯詩偶託於行李。抑亦奇矣。然點竄塗抹。殆不可讀。廼寫一通。以備遺忘。因憶當時風俗衰敝。識者慨之。松代侯之抵礫川邸也。我老公特命彪及川瀨教德侍宴。其談論出入和漢。上下古今。而至於天下之勢。則未嘗不付諸浩歎也。居數年。幕府斷然黜陟二三大臣。於是侯出當宰輔之位。有志之士亦往往拔擢。姑以彪所交數之。岡本江州。矢部駿州。川路左衛門。羽倉外記。江川太郎左。林鐵藏。平山銳二之倫。或以材能任要路。或以武技蒙寵榮。佞臣屏跡。俗吏破膽。翕然有中興之勢。老公方在藩。聞之大喜。益竭心於

國政其於天下大事蓋間有所建白焉無幾矢部被罪幽死岡本奉身自退松代侯移病不出羽倉奪職家居其他諸子亦漠然不得意而老公則有去年五月之禍今距丙申僅十一季耳其間世道之隆替人事之聚散可喜可驚忽抵掌揚眉忽切齒扼腕者不知其凡幾何而要之稱快之時甚少而痛心之日恒多嗚乎宇宙三千載尚且然何況區區十年間耶乙巳七月晦寒齋居士識

聞

恩命錄矢部駿州之後喜而不寐賦七言古風八十韻以代祭文

憶昔南郭相逢時一見如故肝膽披劇談未半日易落巨燭見跋夜忘歸聞說使君少年口俠名早已都下馳都下紀綱時不肅博徒橫行盈街達巨魁潛託貴人第官吏畏禍不敢洽使君新受追捕命陰謀秘計應機施迅雷誰能暇掩耳狡賊就捕日纍纍一朝擢為堺浦尹父老歡欣待路岐吁嗟

令郎何太長駿州之先子亦嘗為界浦尹時刮日
尚總角從先子在任云共恨發令遲時有甲乙兄弟獄積年不決至今茲
 使君下輿直推問僚吏聞之竊相嗤甲曰某父唯
 一子鄉黨隣里所熟知可憎彼漢稱某弟強顏巧
 辭欲貪貲乙曰某母本倡妓某係先人遺腹兒親
 戚皆嫌所生賤母子放逐久流離甲乙堅執共不
 屈官廳幾年信且疑使君明智既洞察欲諭甲乙
 涕先垂曰我不幸無昆弟單身孤獨有誰裨每見
 他人華萼盛徒顧形影羨且悲父子從來同一氣
 兄弟自古比連枝今汝甲乙豈匪人罵弟譏兄事
 太奇縱令博愛無及物寧忍相逢不忸怩我無
 德化汝輩汝慎聽我唱歌詞藹然聲悽愴滿
 腔至誠感駭癡甲乙叩頭稱兄弟相抱悲歡泣前
 墀使君聲名愈赫赫旄戟遂向浪華移浪華商賈
 多豪猾風俗自有豐公遺老吏平八尤沈鷲崛強
 動不從指麾使君撫治得其道政蹟于今傳口碑
 昊天不吊降災害丙申丁酉歲荐饑老者轉罄壯
 者去空見飢鳥啄人屍使君遂遷司農職征旆未

歸民相嬉。當時爭施賑恤策。使君獨禁穀價。徒幾
萬赤子。漸蘇息。恰似篤疾。遭良醫。誰知君歸未數
月。平八構難驚。王畿稱湯。稱武迹。雖迂因時乘
勢。事頗危。天意既見。災害熄。國威又聞。兇賊夷。盛
名之下。難久處。閑廢優游。殆再暮。忽逢辛丑。百廢
興。貢公彈冠。事不違。幡然起。拜市尹。命滿城。奸商
悚然。怪巫祝焉。得唱左道。俳優不許演。淫戲風化
速。於置郵。命都城百里。不敢欺。無奈峭直。世所忌。
朱門先達。多詭詭。人生孰能無。細過何堪吹。毛求
其庇。文網繁密。無由逃。一片孤忠。好訴誰。寧赴湘
流。葬魚腹。敢爲楚囚。老天涯。餓死終同亞父。憤英
魂。漂泊去何之。茅宅爲墟。妻孥散。九原何人送君。
輒時。余方在東湖。宅聞之。泣血空漣。瀝蜀魂。啼破
三更夢。剪燭嘗裁哭。君詩嗚乎。使君已徂矣。寧識
余亦遭百罹。何啻一身瀆。萬死忍聞。邦君因疾
藜。可以死。可以無死。中心如噎。鬢成絲。飄尊無復
故人與。簞食時見飢鼠。窺雪堂。難營蕪子。坡菊花久
負。陶家籬。零丁困厄。涉寒暑。正氣竊與文山期。衆

謗笑異沈舟。羽寸心誰憐。向陽葵。陰陽消長自有
歎。日月未必無盈虧。區區禍福何足怪。百年世事
一變棋。堪笑悠悠輕薄子。終身諾諾又唯唯。暗夜
乞哀驕白日。金鞭銀鞍白馬騎。獨有奇偉儻士
卓落不受利名羈。嗶嗶夙慕管葛業。慨然誓欲張
四維。左支右吾志未遂。群小側目怒且訾。假使萋
斐成貝錦。何圖煮豆燒豆其。天道是非果何如。坐
使犬羊窺邊陲。一念及此腸欲裂。雙袖只見淚淋漓。
滴忽聞特命錄君後。孤子新浴恩露滋。聞之欣然
不能寐。此心豈出交情私。嗚乎君沒四周歲。猶
記俊偉卓絕姿。不幸顛躓君勿怨。君名豈同草木萎。
人間自在公議在。况復明時惠風吹。須知天定勝
羣小。後嗣日有福祿。隨廟堂更能推斯意。何患大
厦難扶持。直須城社驅狐鼠。一舉挽回大運衰。又
應滄溟戮鯨鯢。永保宗社磐石基。倘決雍蔽振土
氣。囊中豈無穎脫錐。使君有知應冷笑。謫客扼腕
欲何爲。一篇詞盡情未盡。危坐臨風薦斯卮。

附 哭矢部駿州

去歲辛丑余以公事抵江戶。一日訪川路左衛門尉談及當世人物川路曰子識矢部駿州乎余曰未也其人如何川路曰智謀有餘決斷如流非韓淮陰之流則寇萊州之徒也余遂因川路與矢部相見傾蓋如故得其平生大畧今茲壬寅之夏聞其獲罪除藉禁錮於某侯之邑竟不食而死感涕賦詩

矚目秀明神彩全飛談雄辨孰爭先雖非廊廟棟梁器豈讓都城方面權空見亞父縱理驗難期安國死灰然ル祖宗倘有威靈在レ不使冤魂

淪九泉

丙午

早春臥病

顛沛困重險間關詣萬辛迎春猶作客臥病倍思親鬢髮年年白瓢簞日日食此中何所得稍異醉生人

客牒有命徒隣人忠介於他舍令監察下吏更番居焉禁錮益嚴

既以吾生付彼蒼蒼天底事，存降殃前身無是神。
農否萬苦千辛日日嘗。

秋日小梅邸樓上

高樓臨水水連空，駿嶽常山指顧中。誰識疎簾半
垂處，三秋風物老英雄。

詠古雜詩二十首

陰陽生日月，赫然六合明。天神造化功，蕩蕩

豈得名劍鏡萬古耀。皇統綿綿榮茫茫普天

下，孰不仰。神京其一

夢寐獲寶劍，一舉平中原。敵傍皇都定，禮祀

謝神恩。物部直殿內，久米衛官門。敬神與奮武

確乎舊典存其二

肇國經綸志，遷都磯城邊。敬神疾疫熄，黎庶樂豐
年。乃命四道將，威令寰區宣。忽聞海外貢，遠自任

那傳其三

兵甲充神庫，稻梁實屯倉。君養我父與母，一意事

天皇。皇綱賴以立，寶祚無有疆。大道

何明了，不必羨虞唐其四

偉哉倭建命。報國不辭難。手提八尋矛。撻伐取其
殘。熊蝦不敢抗。宸襟賴以寬。請看草薙劍。神

光萬古寒。其五

齋戒奉神教。萬里征韓時。大魚夾龍舩。怒潮送

皇師。虜會懾且服。到處悉平夷。國威一何熾。請

看韓人池。其六

風俗淳且美。四海仰至治。

天皇不自足。海外

徵吉師。欲廣固有道。文物可以資。當年重國體。

斯道未曾岐。其七

弟兄讓大位。謁然禮讓淳。慈愛及麋鹿。况復

王畿民。三載免課役。四海服其仁。誰知聖帝

德淵源在魯論。其八

姦臣服胡教。天闕致蕃神。中物世紹志。慷慨

獨自振胡教。果何益。綱常漸汨淪。蘇我禍可徵。噫

余不忍陳。其九

權臣逞禍毒。跋扈亂彝倫。天篤生鎌子。智畧稱絕

倫。慨然殪姦兇。皇綱復一新。遺像塔峯上。功

烈映千春。其十

大權歸外戚。

皇綱漸不振。欲收攝關柄。按擢

翰林臣。萋斐身難處。漂淪西海濱。空有重陽篇。孤

忠泣鬼神。其十一

文物類擬唐。威武日以沮。歌詞釀滌風。公卿學婦

女。劍佩既去身。不復知軍旅。勿恠武人驕。驕傲固

其所。其十三

諸滕漸凋衰。平氏亦不久。蛭鳥養姦雄。兵馬歸其

手。爾來控御權。非復九重有。孰為朝府謀。老黠有

江叟。其十二

斷然斬胡使。威令四海宣。醴裘十餘萬。覆沒幾人

還。廟堂憂慮遠。霸府策名全。天人元一體。烈風

非偶然。其十四

陪臣執國命。天皇憤蒙塵。奸兇忽就戮。

皇風一朝振。悲哉中興業。寸進又尺遠。遺恨按劍

詔。千載泣神人。其十五

我慕楠夫子。雄畧古今無。誓建回天業。感激忘其

軀。廟堂遂無弄乾坤。忠義孤空留一片。氣凜凜

不可誣。其十六

室町霸業衰。中原亂如麻。州郡任割據。山河戰場多。區區貪土壤。爭得止干戈。休說甲與越。勝敗果若何。其十七

猿面眼閃閃。叱咤捲雲塵。雄心決六合。絕海遣萬軍。雞林為震動。八道亂紛紛。勿徒譏驕貪。餘威尚殷殷。其十八

大義翊皇室。偉畧御群雄。參河如雲土。廉耻自成風。至德天人服。四海屬大同。悠悠二百載。德輝照海東。其十九

天欲振斯文。生我西山君。彰考正史就。尊攘大義伸。亂賊以寒膽。隱然叙彝倫。英靈今尚在。愚臣復何陳。其二十

東湖詩鈔下

48-13500

010190526416



